

21. Maj 2015

**Kommuunit akornanni aningaasaqarnikkut naligiissaarinerup sunik tunngaveqarluni sunillu siunertaqarluni pisarnissaanik oqallinnissamut siunnersuut.**

(Inatsisartunut ilaasortat Inuit Ataqtigiit)

Inatsisartunut ilaasortat Inuit Ataqtigiit, Kommuunit akornanni naligiissaarutit agguanneqartarneranni sunik tunngaveqarluni siunertaqarlunilu pisarneranik oqallisissiaannut SIU-MUT-miik imaattumik oqaaseqassuugut.

Kommuunit akornanni naligiinngittoqarnera qangali naluneqanngilaq, tamannalu pissutiga-lugu akileraartarnerput pingasunut agguangaavoq, tassa Kommuunerisamut toqqaannar-tumik akileraarut, nunatta karsianut akileraarut kiisalu kommuuninut ataatsimoortumik aki-leraarut. Taakkua takutippaat nunatsinni sumiikkaluaruttaluunniit nunamut tamarmut ilua-qutaasussamik akileraarutit aqutugalugit akileeqataagatta.

Taamatullu akileraarutit agguarneqarsimanerat Kommuunit akornanni kivitseqatigiinnissa-mik tunngaveqarpoq.

Ukiut 40-ngulersut matuma siornali periuseq taanna atulersimagaluartoq Kommuunit akornanni oqallisigineqarusaginnavissimavoq, uggornartumillu tamat iluarisaannik aaqqiiso-qartarsimanani, allaallumi taamanili Kommuunit avissaartuutigajattarsimallutik.

Tamannarpiarlu aamma ajoraluartumik ukiuni kingullerni ullumikkullumi naligiissarisarneq pillugu Kommuunit akornanni "nipituninngorluni" assortuussutaalersutut oqaatigisariaqar-poq.

Kommuunit kattunnerisa kinguninngua kiisami Kommuunit sisamaasut Borgmesteriisa isumaqtigiissutigaat naligiissaarinermut periusaasut "naapertuilluartumik" aaqqissuunneqar-nissaat siunertaralugu atorfilittat suliaqartinneqassasut. Atorfilittat suliaat saqqummiunne-qareerpata siunnerfeqtigiilluni oqaluserinissaat siunertaalluni. Siunertaasorli ajoraluartu-mik pinnani assortuunnerulernissamik siunertaqartutullusooq ittumik saqqummiisoqarpoq. Tamatumalu kingorna tamatta nalunngisatsituut assortuunneq avissaartuunnerlu pilerpoq.

Inatsisartuni sulinitinni pisussaaffeqarpugut innuttaasut sinniisaattut avissaartuutitsinani suliaqarnissamut. Soorlumi Inuit Ataqtigiit oqallisissiaminni taamatut allattut. Kisianni aamma pisussaaffeqarpugut akisussaaffinnik Kattuffinnut tunniussaqaarsimagutta ataqqin-ninnissamut. Tassani eqqarsaatigaara Kommuunit Kattuffiat KANUKOKA, ilaatingut qule-quttamut tunngatillugu qitiulluni inissisimasoq. Maannakkut naligiissaarineq pillugu kom-munit oqaloqtigiippat. Oqaloqtigiinnerni kommunit tamarmik naammaginakannersumik aaqqiisoqarnissaanut siunnersuuteqarnissaat siunertaavoq. Agguassineq qitiusumiit "aqunneqanngilaq" taamaallaat agguaasseriaaseq aalajangiunneqarsimasoq malillugu akileraarutitigut ingerlaannerit malillugit agguaassisoqartarluni.

Erseqqissaatigisariaqarpoq naligiissaarinnikkut aningaasat kommunini ataasiakkaani pissarsiarineqartut ukiumiit ukiumut nikerartarmata tassani akileraarutitigut inuiaqtigiinni iserti-tat aningaasalersuimmata.

Siumumiit isumaqarluinnarpugut qulequtaq pillugu politikikkut suliaqartuusugut anner-tunerujussuarmik ilisimasaqartariaqartugut. Inuit Ataqatigiit allappusi, (issuaalaarpu-ga) "Paarlattuanik tamatta atugarliornerulernissatsinnik aqutissiuussisoqalerneranik ernu-masoqarpoq, ingerlalluartut ipisinneqaratarsinnaanerannik aarlerisoqarluni". (issuaaneq naavoq) Taamatut allanneq aalajangersimasumik isumaqareerluni saqqummiussinertut taasariaqarpoq.

Naligiissaarinerup siunertaraa innuttaasut assigiimmik atugassaqartinnissaat, imatut paa-sillugu, Kommunit inatsisit malillugit innuttaasunik assigiimmik sullissinnaanissaannut qu-lakkeerinninniarnermut siunertaqarmata. Tamaattumik innuttaasut "assigiimmik atugassa-qartinnissaat" naligiissaarinermut atatillugu eqqartorneqaraangat sanaartugassat, inuutis-sarsiutinik inerisaaneq assigisaallu pineqarneq ajorput kisiannili kommunit inunnik ataa-siakkaanik assigiimmik sullissisinnaanerat.

Taamatut oqaaseqarluta naggataatigut oqaatiginngittoorusunngilarput ukiarmi Inatsisar-tunut qinersinissaq sioqutitsiarlugu akileraarutit pingasunngorlugit agguarneqartarnerata allanngortinneqarnissaa pillugu Kommuunit Namminersorlutillu Oqartussat isumaqatigiissu-tigisimasaata tusarfiginissaa qilanaarigatsigu.

Siumumiit taamatut oqallisissiaq oqaaseqarfigaarput.

Jess Svane  
SIUMUT